

四庫全書

史部

欽定四庫全書

史部

元和郡縣志卷

三十一

詳校官編修

臣曹

城

檢討

臣

德生

覆勘

總校官庶吉士

臣

倉聖脉

校對官中書

臣

潘奕雋

謄錄監生

臣

莊承簪

欽定四庫全書

元和郡縣志卷三十

唐李吉甫撰

江南道五

潭州

長沙中都督府

開元戶二萬一千八百
元和一萬五千四百四十四
鄉六十九
鄉六十九

今為湖南觀察使理所

管潭州衡州郴州永州連
州道州邵州管縣三十

四

此與後福建觀察使都管戶數並傳寫缺

禹貢荊州之域春秋為黔中地楚之南境秦并天下分

黔中以南之沙鄉為長沙郡以繞湘川

下言長沙郡地者皆禹貢荊州

之域楚之南境也

按東方朔記南郡有萬里沙祠自湘川至東

萊地可萬里故曰長沙漢初以吳芮有功封長沙王至

景帝封其子發為王因入朝有詔諸王迭起舞王但張

裊而已帝怪而問之對曰臣國小地狹不足以回旋帝

悅益以武陵桂陽二郡自漢至晉並屬荊州懷帝分荆

州湘中諸郡置湘州南以五嶺為界北以洞庭為界漢

晉以來亦為重鎮今按其俗雜有夷人名徭自言先祖
有功免徭役也隋開皇九年平陳改為潭州取昭潭為
名也又置總管府大業中罷牧置都尉府三年罷長沙
郡武德四年又置潭州總管府七年改為都督府

州境

東西一千六十里
南北五百七十五里

八到

西北至上都二千四百四十五里
北至東都二千一百八十五里

東至洪州九百八十里

東南至袁州五百二十五里

正南微東至衡州四百六十里

西北至朗州四百里

北至岳州水路五百五十里

貢賦

開元貢
元和貢

葛布十五疋
絲布十五疋

管縣六

長沙

醴陵

瀏陽

益陽

湘鄉

湘潭

長沙縣

縣郭下

本漢臨湘縣屬長沙國隋改為長沙縣屬潭州

嶽麓山在縣西南隔湘江水六里蓋衡山之足也故以麓為名

雲母山在縣北九十里列仙傳長沙雲母服之不朽

銅山在縣北百里楚鑄銅處

昭山在縣南七十里臨湘水下有旋潭甚深無底州之得名因此也

湘水南自衡山縣界流入于岳州湘陰縣界

故尉城在縣西北七十里孫權以程普為長沙縣西部都尉以防關羽因立此城

故陶關在縣西南五里晉杜弢據湘州反陶侃討之因

置此城

賈誼宅在縣南四十步

吳芮墓在縣北四里

陶侃墓在縣南二十三里

醴陵縣

中下西北至州一百八十里

本漢臨湘縣地禹貢岷山導江東別為沅又東至于澧是也後漢置此縣屬長沙郡吳封顧雍為長沙侯而家人不知是也隋平陳省入長沙武德四年復置

瀏陽縣

中下西至州二百五十里

本漢長沙國臨湘縣地吳置瀏陽因縣南瀏陽水為名
隋平陳廢景龍二年復置

益陽縣

上東南至州一百八十里

本漢舊縣屬長沙國在益水之陽因名隋平陳屬潭州
澧水一名茱萸江南自邵州流入經縣南三十步縣西
有關羽瀨南對甘寧故壘昔羽屯兵水北孫權令魯肅
甘寧拒于此水寧謂肅曰羽聞吾咳唾之聲必不敢渡

渡則成擒也羽夜聞寧處分曰興霸聲也遂不渡茱萸

江

益水出縣東南益山東北流入瀆水

關羽故壘在縣西一十五里

湘鄉縣

繫西北至州二百三十里

本漢湘南縣之湘鄉也後漢立為縣屬零陵郡自吳至
陳並屬衡陽郡隋省入衡山縣武德四年復置

石魚山其石色若雲母開發一重石若魚形刻畫燒之

作魚膏臭在縣西十五里

龍山有鍾乳穴在縣南二百四十里

連水在縣南四十五里煮水一名得鹽五升

湘潭縣

紫東北至州一百四里陸路一百二十里

本漢湘南縣地吳分立衡陽縣晉惠帝更名衡山歷代並屬衡陽郡隋改屬潭州天寶八年改名湘潭

涓湖溉良田二百餘頃縣西七十里

湘水經縣理東

衡州 衡陽上

開元戶一萬三千五百一十三 鄉四十四
元和戶一萬八千四十七 鄉四十四

秦屬長沙郡漢為酃縣地吳分長沙之東部為湘東郡

晉以郡屬湘州隋開皇九年罷郡為衡州以衡山為名

州境

東西六百五十里
南北四百九十九里

八到

西北至上都二千九百五十里
北至東都二十六百四十九里

東南至郴州三百七十里

東北至吉州九百一十里

正南徼西至永州五百七十里

西至邵州三百五十六里

北至潭州四百六十里

貢賦

開元貢
元和貢

麩金
水銀

大麻

紵絲

管縣六

衡陽 攸

茶陵

耒陽

常寧

衡山

衡陽縣

緊郭下

本漢酃縣地吳分置臨蒸縣屬衡山郡天寶初更名衡

陽郡縣仍屬焉

案此所攸未全舊唐書云吳末分長沙東界立湘東郡隋罷郡為衡州改臨蒸

為衡陽武德四年復為臨蒸開元二十年復為衡陽

縣城東傍湘江北背蒸水

岫嶺山即衡山也在縣北七十里

湘水西南自永州祁陽縣界入

蒸水自臨蒸縣北東注于湘謂之蒸口

酃湖在縣東二十里可釀為酒晉記武帝平吳薦酃酒于太廟是也

蒸陽故城在縣西一百七十里

攸縣
下西南至州陸路三百四十五里

本漢舊縣武德四年分湘潭縣置以北帶攸溪為名

茶陵縣

中西南至州水路四百五十里

本長沙國界齊永明七年入湘東郡隋開皇九年為湘潭縣武德四年置茶陵縣貞觀九年廢聖歷元年復舊以南臨茶山縣以為名

耒陽縣

上西北至州一百六十八里

本秦縣因耒水在縣東為名漢屬桂陽郡隋改為耒陰

屬衡州

案此所敘亦未全舊唐書云武德四年復為耒陽

後漢蔡倫即此縣人

有宅基在縣西一里

雨瀨在故縣西南每旱賽之則雨降

常寧縣

下西北至州陸路一百八十里

本秦耒陽縣地吳分耒陽置新平縣宋元徽中三洞蠻抄掠州縣移就江東因蠻寇止息遂號新寧即今理是東俯潭水西枕宜江天寶元年改名常寧

湘水在縣北六十里

衡山縣

上西南至州一百二十里

本漢陰山縣以縣東百二十里有陰山為名至梁武帝

天監中分陰山立湘潭縣天寶八年改為衡山

湘水在縣東

衡山南嶽也一名岫嶺山在縣西三十里南嶽記曰衡山者朱陽之靈臺太虛之寶洞又云赤帝館其嶺祝融託其陽以其宿當翼軫度應機衡故為名又曰上如車蓋及衡輓之形山高四千一十丈

衡岳廟在縣西三十里南嶽記曰南宮四面皆絕人獸莫至周迴天險無得履者漢武帝移于江北置廟隋文

帝復移于今所

郴州 桂陽中

開元戶三萬二千一百七十六 鄉五十
元和戶一萬六千四百三十七 案鄉數傳寫缺

本漢長沙國地後漢分長沙南境立桂陽郡理郴縣領
十一縣隋平陳改為郴州大業中復為桂陽郡武德四
年為郴州

州境 東西五百九十六里
南北三百二十三里

八列 西北至上都三千二百七十五里
北至東都三千一十五里

東至虔州一千里

東南至韶州四百一十里

西至道州五百三十五里

西北至衡州三百七十里

貢賦

開元貢 紬 白紵

管縣八

郴 義章 義昌 平陽 資興 高亭

臨武 藍山

郴縣

上郭下

本漢舊縣項羽徙義帝之所都也歷代屬郴陽郡隋屬

郴州

桂陽監在城內每年鑄錢五萬貫

馬嶺山在縣東北五里昔蘓耽學道于此得仙其舊宅在州東半里俯臨城餘跡猶存

石井山在縣東北八十里有風母獸既死張口向風則生

劉洞在縣西北二十三里出偃鼠如牛將為災乃出畝畝散落其尾悉為小鼠

淶水自郴侯山注來

程鄉吳錄云程鄉出酒

橫溪水俗謂之貪泉飲者輒冒于貨財

郴水出經縣東一里

溫水在縣北常溉田十二月種明年三月熟可一歲三

熟

義帝祠在縣西一里墓在縣西一里

義章縣

中下西北至州一百一十五里

本漢郴縣地隋末蕭銑分置屬郴州武德因而不改開元二十三年自縣北移于今理卻據層嶺前臨通江章水在縣北六十五里

義昌縣

中下西北至州三百三十里

本漢郴縣地至東晉分置汝城縣屬桂楊郡隋改為扈陽縣天寶元年改為義昌

平陽縣

上東至州九十九里

本漢郴縣地東晉陶侃于今理南置屬平陽郡至陳俱

廢隋末蕭銑分置武德因而不改七年省八年復置

銀坑在縣南三十里所出銀至精好俗謂之偶子銀別處莫及亦出銅鉚供桂楊監鼓鑄

資興縣

中下西至州一百二十里

本漢郴縣地後漢于此置漢寧縣吳改曰陽安晉改為晉寧至隋省開皇十一年又置改為晉興貞觀廢咸通三年又置改為資興南俯耒江北帶長嶺

高亭縣

中下南至州九十里

本漢便縣晉省陳復置至隋省入郴縣開皇十三年宇文融奏割郴縣北界置安陵縣安陵水在縣北百步因以為名天寶元年改為高亭縣以縣東一百三十步高亭山為名

臨武縣

中下東北至州二百一十三里

本漢舊縣以南臨武溪水因以為名歷代屬桂陽郡後郡為郴州縣屬不改

桐柏山在縣西北六十里

雞水在縣南即桂水也

藍山縣

中東北至州三百二十里

本漢南平縣至隋廢咸通中復置于今理天寶元年改為藍山縣

九疑山在縣西南五十里

永州

零陵中

開元戶二萬七千五百九十
元和戶八百九十四

鄉四十八
鄉四十五

秦屬長沙郡漢為長沙國武帝分置零陵郡領縣十至

宋封晉恭帝為零陵王隋文帝開皇九年平陳置永州
因水為名大業三年復為零陵郡四年又置永州史記
舜葬九疑即此地也

州境

東西三百三十二里
南北五百六十一里

八到

西北至上都三千一百五十五里
北至東都二千八百九十五里

南北至道州水路二百六十里

東北至衡州陸路五百七十里

南至韶州六百里

西南至桂陽五百五十里

西至歙州南郎溪山懸險不通無里數

貢賦

開元貢

細葛

石燕

管縣四

零陵

祁陽

湘源

灌陽

零陵縣

上郭下

本漢泉陵縣地隋平陳改為零陵縣自改零陵故移于此

湘水經州西十餘里

石室山在縣北一里呂蒙所築

祁陽縣

上南至州一百八十里

本漢泉陵縣地屬零陵郡吳分泉陵置武德四年復置

于今理貞觀元年省四年又置

石燕山在縣西北一百一十里出石燕充藥

湘水經縣南三十步

湘源縣

上東北至州一百三十里

本漢洮陽縣地至隋改置湘源縣屬永州

湘水經縣東

灌陽縣

中北至州三百六十里

本漢零陵縣地隋大業末蕭銑析湘源縣置武德七年

廢上元二年呂誼奏置

灌水在縣西南一百二里

連州

連山下

開元戶一萬八千八百七十
元和戶五千二百七十

鄉二十二
鄉二十二

秦為長沙郡之南境漢置桂陽郡至陳為桂陽縣隋文帝開皇十年置連州因黃連嶺為名大業初改為熙平

郡武德四年復為連州

州境

東西二百四十二里
南北四百里

八到

東北至上都三千六百六十五里
東北至東都三千四百五里

東至韶州陸路五百里
東至廣州八百九十里

東北度嶺至郴州三百九十里
西南至封州六百三十里

西至賀州捷路二百七十里
取道州桂嶺路二百六十里

貢賦

開元貢
元和貢

細布
鍾乳

管縣三

桂陽 陽山 連山

桂陽縣

上中郭下

本漢舊縣屬桂陽郡吳宋齊並屬始興郡梁陳屬陽山郡隋屬連州

貞女峽在縣東南一十里

黃連嶺在縣西南一百五十里

陽山縣

中下西北至州水路一百四十七里

本漢舊縣為南越置關之邑故其關在縣西北四十里

茂漢口史記尉佗移檄陽山關曰盜兵且至急絕道聚
兵自守今陽山北當騎山嶺路秦于此立陽山關漢破
南越以為縣後漢省晉重置在注水南梁天監六年置
陽山郡以縣屬焉隋開皇十年屬連州神龍二年移于
注水北即今縣理也是界諸山各出乳穴

連山縣

中下東至州一百六十里

自漢至齊為桂陽郡之地梁武帝分桂陽置廣惠縣

梁案

武舊唐書作晉武廣惠隋書作廣德與此互異皆當以此為是

隋開皇十年改為廣澤

屬連州仁壽元年改為連山

滑水今為黃連水

道州

江華中

開元戶二萬七千四百四十
元和戶一萬八千三百三十八

鄉六十
鄉五十一

秦屬長沙郡漢屬長沙國武帝分長沙置零陵郡吳分

零陵置營陽郡今州是也以郡在營水之南因以為名

隋末陷寇賊武德四年平蕭銑置營州貞觀八年改為

道州

州境

東西二百九十五里
南北四百里

八到

西北至上都三千四百一十五里
北至東都三千一百五十五里

正東微北至郴州五百三十五里
南踰嶺至賀州四百四十里

西南踰嶺至韶州四百二十里
西北水路至永州二百六十里

貢賦

開元貢
細紵布

管縣五

弘道 永明 延唐 大厯 江華

弘道縣

上郭下

本漢營浦縣屬零陵郡隋改永陽縣貞觀八年省入營道縣天寶六年改為弘道縣

大陽原在縣南五十步多小班竹相傳云舜崩之後二妃尋湘水以手拭淚把竹遂成班也

營水南自江華縣流入

永明縣

中東北至州一百一十里

本漢營浦縣隋改為永陽縣武德四年移于州西南貞觀八年省天后又置天寶元年改為永明

延唐縣

上西至州一百里

本漢泠道縣地屬零陵郡漢景帝時零陵文學于泠道
舜祠下得玉琯是也至隋自奔巢水口移營道縣于此
武德四年移營道于州郭內于此置唐興縣天寶元年
改為延唐縣

九疑山在縣東南一百里舜所築也九山相似行者疑
惑故為名舜廟在山下

泠水今名遲水源出九疑山

春陵故城在縣北五十里長沙定王封中子買為春陵侯是也

大歷縣

中下西北至州二百二十里

本漢營道縣地大歷二年觀察使韋之晉奏析延唐縣

于州東置因年號為名

案舊唐書地理志大歷二年湖南觀察使韋貫之奏請析延唐

縣于道州東南二百二十里春陵侯故城北十五里置縣因以大歷為名又本傳云貫之本名純以憲宗廟諱遂以字行新唐書宰相世系表云貫之字正理相憲宗合志表傳皆可證貫之非之晉然攷本傳元和十二年罷相乃為湖南觀察使去大歷初已四十餘年則所云大歷二年貫之奏置亦誤今並仍原文以存疑

江華縣

中北至州一百一十三里

本漢馮乘縣地故城在縣南七十里至隋不改武德四年分馮乘縣置江華縣屬營州八年屬道州

營水出縣東北

淮南王子廟在縣南七十二里荊州記云淮南王安被誅其子奔至此城門化為石今名東塘神

邵州

邵陽下

開元戶一萬二千三百二十
元和戶一萬八百

鄉三十
鄉二十二

秦為長沙郡地漢為昭陵縣屬零陵郡吳分置邵郡今
州是也宋齊並為邵陵王國隋開皇十年以邵陵郡屬
潭州隋末陷于寇賊武德四年平蕭銑屬南梁州貞觀
十年改為邵州

州境

東西屈曲一百二十里
南北水路七百三十四里

八到

西北至上都二千八百八十四里
北至東都二千五百八十五里

東至衡州三百五十六里

東南至永州二百二十里

東北至潭州陸路五百三十里

貢賦

開元貢
元和貢

黃蠟
銀

麻布

管縣二

邵陽 武岡

邵陽縣

上郭下

本漢昭陵縣屬長沙國後漢改昭陽縣晉武帝改為邵陽因邵水之陽為名

武岡縣

上東北至州四百三十里

本漢都梁縣地屬零陵郡吳寶鼎元年改為武岡縣因

武岡為名一云晉武帝分都梁縣置梁天監元年以太
子諱綱故為武强武德四年復舊

都梁山在縣東北一百三十里

福州

長樂中都督府

開元戶三萬一千六十七
元和戶一萬九千四百五十五

鄉六十六
鄉八十一

今為福建觀察使理所

管福州建州泉州漳州汀
州管縣二十四

禹貢揚州之域本閩越秦并天下以閩中下郡作三十

六郡之數今州即閩中郡之地也

下言閩中地者皆漢
禹貢揚州之域

初又為閩越國自越王句踐六世至無疆為楚所滅子孫播遷海上七世至無諸從諸侯之師滅秦率人佐漢立無諸為閩中王王故地郡又有治縣按治即今台州章安故縣是也後漢改為東侯官吳于此立曲那都尉主謫徙之人作船于此晉置晉安郡領縣八屬揚州南朝以封子弟為王梁簡文帝初封晉安王入為皇太子是也陳廢帝改為豐州又為泉州因泉山為名隋大業二年改為閩州三年改為建安郡武德六年改為泉

州八年置都督府景雲二年又為閩州開元十三年改為福州都督府因州西北福山為名兼置經略使仍自嶺南道割屬江南東路

州境

案州境里數傳寫缺

八到

西北至上都五千二百九十五里
西北至東都四千四百二十四里

東至大海七十里

東南水路至海一百六十里

東北至温州水路屈曲一千八百里山路險阻

西南至泉州三百七十里

西南至汀州水路屈曲一千三百六十五里

正北微西至建州六百里

貢賦

開元貢賦

海蛤

蚶蛇膽

元和貢

乾薑

白蕉

管縣九

閩

侯官

長樂

福唐

連江

長溪

尤溪

古田

永泰

閩縣

上郭下

本漢治縣地屬會稽郡後漢改為東侯官

案杜佑通典及舊唐書並

云治縣又名東治縣後漢改為侯官都尉

吳改屬建安郡晉以侯官為晉安

郡隋開皇九年改為原豐縣十二年又改為閩縣皇朝
因之

海在縣東南一百六十里

東湖在縣北三里

西湖在縣西二里

候官縣

緊北至州郭二里

武德六年于今州西北三十一里置八年廢長安二年
重置貞元五年觀察使鄭叔則奏移于州郭

長樂縣

上西至州一百里

本隋閩縣地武德六年分置長樂縣

石尤嶺縣南四十里與福唐縣分界

大海在縣東七十里

海澶山縣東一百二十里山在大海中周迴三百里

福唐縣

緊東北至州水路一百七十里

聖歷二年析長樂縣東南界置萬安縣天寶元年改為

福唐

大海在縣東四十五里

丹步渡在縣南百步其水謂之無患溪

連江縣

緊西南至州水陸路一百六十里

本漢冶縣地晉分立溫麻縣武德六年移于連江之北

改為連江縣

連江在縣南三百里東流入海

海在縣東五里

長溪縣

中下西南至州水路八百里

長安二年割晉溫麻舊縣北四鄉置長溪縣

長溪在縣南四十五里流入大海

尤溪縣

中下東南水路至州八百里

開元二十九年開山洞置縣東水路沿流至候官縣西

水路沂流至汀州龍巖縣

古田縣

中下東至州七百里

開元二十九年開山洞置與連江接界與沙縣分界

永泰縣

中下東北至州二百五十里

永泰二年觀察使李承昭開山洞置縣東水路沿流至
候官縣西沂流至南安縣南北俱抵大山並無行路

建州 建安上

開元戶二萬八百
元和戶一萬五千四百八十

鄉四十
鄉四十

本秦閩中也漢于其地立冶縣屬會稽郡後漢改治
為東侯官吳孫休永安二年以會稽南部都尉分為建
郡今州即其地也宋齊梁皆以封子弟為王開元十年
罷郡以縣屬泉州隋氏喪亂建安縣人擁衆自保武德

四年歸附遂于建安縣置建州

州境

案州境里數傳寫缺

八到

西北至上都四千六百九十五里
西北至東都三十八百三十五里

東北至處州山路九百里
正南微東至福州六百里

西南至汀州水路屈曲一千五百里
西北至信州五百四十里

西北至撫州八百三十里
正北微東至衢州七百里

貢賦

開元貢金花練
賦縣絹

元和貢蕉布偃鼠皮

管縣五

建安

浦城

邵武

將樂

建陽

建安縣

上郭下

本漢治縣之地後改為東侯官又立建安縣

案通典云漢治縣地

吳置建安縣有武夷山

因遂不改

建陽溪一名建安水在州西四百步南流入福州界

浦城縣

緊東南至州三百六十里

本漢興縣吳永安三年改曰吳興隋平陳省入建安武

德四年又省載初元年復置改曰唐興天授二年為武寧神龍元年復為唐興天寶元年改為浦城

梨嶺在縣東北八十里與弋陽縣分界

邵武縣

上

本漢冶縣地吳于此立昭武縣晉改為邵武

飛猿嶺在縣西一百七十里

邵武溪水源出飛猿嶺東南流經縣西

將樂縣

中下東北至州四百五十里

吳永安三年置隋開皇九年省武德八年復立

將樂溪水源出百丈嶺東北流經縣界

建陽縣

中東至州一百六十里

本上饒縣地吳分置建平縣晉太元四年改為建陽隋

開皇十年省入建安武德四年重置

建陽溪水源出縣北溫嶺南流經縣界

泉州

清源上

開元戶五萬七百五十四
元和戶三萬五千五百七十一

案鄉數傳寫缺
鄉二十四

舊泉州本理在今閩縣武德六年置景雲二年改為閩
州開元中改為福州今泉州本南安縣也久視元年縣
人孫師業訴稱赴州遙遠遂于南安縣東北界置武榮
州景雲二年改為泉州即今理是也

州境

東西四百里
南北三百三十里

八到

西北至上都五千六百九十五里
西北至東都四千八百四十五里

東至大海一百里

東北至福州三百七十里

南至大海一百里

西南至漳州三百五十里

貢賦

開元貢

蠟

紵布

紵麻

繇

元和貢

綿二百兩

蟒蛇膽

管縣四

晉江 南安

莆田

仙遊

晉江縣

上郡下

開元六年刺史馮仁知緣州郭無縣請析南安縣東置
在晉江之北因名

南安縣

緊東至州八十里

本漢冶縣地後漢為侯官縣地晉為晉安縣地

案通典云吳置

晉安縣晉置

陳立為南安縣

案隋志謂南安舊日晉安置南安郡平陳郡廢縣改

名焉舊唐書亦謂南安隋縣皆與此有異

因縣南安江以為名

海在縣東南九十里

莆田縣

上西南至州一百五十里

本南安縣地陳廢帝分置莆田縣隋開皇十年省武德

六年復置貞觀改隸閩州景雲二年割屬泉州

大海在縣東一十五里

仙遊縣

中南至州一百六十里

聖歷二年析莆田西界于今縣北十五里置清源縣天寶元年改為仙遊仍移于今理

仙遊山在縣西三十里縣因為名

漳州

漳浦上

開元戶一千六百九十
元和戶一千三百四十三

案鄉數傳寫缺
鄉一十一

本泉州地垂拱二年析龍溪南界置因漳水為名初置于今漳浦縣西八十里開元四年改移就李澳川即今

漳浦縣東二百步舊城是十二年自州管內割屬福州
二十二年又改屬廣州二十八年又改屬福州乾元二
年緣李澳川有瘴遂權移州于龍溪縣置即今州理是
也

州境

東西三百七十里
南北三百九十里

八到

西北至上都六千四百五十里
西北至東都五千六百四十里

東至大海一百五十里

南至大海一百八十里

西北至潮州四百八十里
北至汀州九百里

貢賦

開元貢

鯪魚皮

甲香

蠟

管縣三

龍溪

漳浦

龍巖

龍溪縣

中下郭下

陳分晉安縣置屬南安郡後屬閩州開元二十九年割屬漳州縣東十五里至山險絕無路西二十里至山南三里至山北十六里至山

海去縣五十四里

漳浦縣

中下東北至州一百二十里

垂拱中析龍溪南界置

龍巖縣

中下東北至州三百里

先置在汀州界雜羅口名雜羅縣屬汀州天寶元年改
為龍巖縣大厯十二年皇甫政奏改隸漳州

廢懷恩縣在州西南三百一十里垂拱二年置屬漳州
開元二十九年廢今置鎮

汀州

臨汀下

元和戶二千六百一十八鄉一十一

案開元戶鄉數傳寫缺

開元二十一年福州長史唐循忠于潮州北廣州東福州西光龍洞檢責得諸州避役百姓共三千餘戶奏置州因長汀溪以為名

州境

案州境里數傳寫缺

八到

西北至上都取建州路六千二百九十五里
西北至東都五千三百三十五里

東南至漳州九百里

東北至福州水陸相兼屈曲一千三百六十里

東北至建州水陸相兼一千五百里

正南微西至潮州一千三百五十里

西至虔州水陸相兼一千二百里

貢賦

開元貢

蠟

僮鼠皮

管縣三

長汀沙 寧化

長汀縣

中下郭下

白石溪水在縣南二百步下流入潮州界

沙縣

中下西南至州一百八十里

本宋置屬建安郡隋開皇十六年廢武德四年又置屬

建州開元二十三年割屬汀州因沙丘以為名

溪水自縣西來經縣郭東北流入建安溪

寧化縣

中下西南至州六百里

本沙縣地開元二十二年開山洞置縣西與虔化縣接

玄武山在縣北五里

元和郡縣志卷三十

欽定四庫全書

元和郡縣志卷三十一

唐 李吉甫 撰

江南道 六

黔州

黔中下都督府

開元戶三千九百六十三
元和戶一千二百一十二

鄉一十一
鄉九

今為黔州觀察使理所

管黔州涪州夷州思州費
州南州珍州漆州播州辰

州錦州叙州溪州施州獎州
案都管戶數傳寫缺

管縣五十二

本漢涪陵縣理後漢獻帝時分為四縣置屬國都尉理涪陵至蜀先主又增置一縣改為郡晉永嘉後地沒蠻夷經二百五十六年至宇文周保定四年涪陵蠻帥田恩鶴以地內附因置奉州建德三年改為黔州隋大業三年又改為黔安郡因周隋州郡之名遂與秦漢黔中郡犬牙難辨其秦黔中郡所理在今辰州西二十里黔中故郡城是漢改黔中為武陵郡移理義寧即今辰州叙浦縣是後漢移理臨沅即今辰州是今辰錦叙獎溪

澧朗施等州實秦漢黔中郡之地而今黔中及夷費思播隔越峻嶺東有沅江水及諸溪並合東注洞庭湖西有延江水一名涪陵江自牂柯北歷播費思黔等州北注岷江以山川言之巴郡之涪陵與黔中故地炳然分矣貞觀四年于州置都督府總務施業辰智牂充應莊九州其年自今州東九十里故州城移于涪陵江東彭水之南聖歷九年罷都督府景龍二年又罷莊州都督府復以播州為都督府先天二年罷播州都督府復以

黔中為都督府開元二十六年又于黔中置採訪處置使以都督渾瑊為使又隸五溪諸川入黔中道仍加置經畧使天寶元年改為黔中郡六年都督蕭克濟以舊城傾欹移築城于江畔乾元元年復為黔州大厯四年以辰錦等五州為辰錦觀察使至十年奉敕卻隸黔府

州境

東西五百四十五里
南北二百九十八里

八到

東北至上都取江陵府路三千六百五十里
北取萬開州路二千五百七十里

東北至東都三千四百四十五里
東南至思州三百八十里

南至夷州五百八十里
西南至播州八百里

西北至涪州三百三十里
北渡江山路至忠州四百里

貢賦

開元貢

黃蠟
紵布

元和貢

蠟五十斤

竹布

管縣六

彭水 黔江 洪杜 洋水 信寧 都濡

彭水縣

上郭下

本漢酉陽縣地屬武陵郡

案此與州序所云本漢涪陵縣理有異

自吳至

梁陳並為黔陽縣地隋開皇十三年蠻帥內屬于此置

彭水縣

伏牛山在縣北一百里

左右鹽泉今本道官收其課

黔江縣

中下西至州二百里

本漢酉陽縣地隋開皇五年置石城縣屬庸州大業二年廢武德元年又置天寶元年改名黔江

洪杜縣

中下北至州一百三十里

武德二年析彭水縣于今縣北十八里置因縣東一里
洪杜山為名麟德二年移于今理

洋水縣

中下東北至州一百六十里

本武德二年于今縣東置盈隆縣貞觀十年移于今理
先天元年改為盈川以縣南有盈川山為名天寶二年
改為洋水以縣西三十里洋水為名

信寧縣

中下東南至州一百三十里

隋大業十年于今縣西南置信安縣武德二年改為信

寧縣屬義州

義州今夷州義泉縣理是

貞觀四年移于今理十一年

屬黔州

涪陵江水去縣二里

都濡縣

中下北至州二百里

本貞觀二十年析盈隆縣置以縣西北六十里有都濡水為名也

涪州

涪陵下

開元戶六千九百九

鄉二十六
元 和 戶 三百五 鄉 二十一

禹貢梁州之域春秋時屬巴國秦為巴郡地華陽國志
曰涪陵巴之南鄙從枳縣入沔涪水枳縣即今涪州所
理是也與荆楚界相接秦將司馬錯由之取黔中地漢
為涪陵縣地蜀先主以為涪陵郡武德元年立為涪州
在蜀江之南涪江之西故為名上元二年因黃筍硤有
獠賊結聚江陵節度呂誼請隸于江陵置兵鎮守元和
三年中書侍郎平章事李吉甫奏曰涪州去黔府三百
里輸納往返不踰一旬去江陵一千七百餘里途經三

硤風浪沒溺頗極艱危自隸江陵近四十年衆知非便疆里之制遠近未均望依舊屬黔府

州境

案州境里數傳窩缺

八到

東取江陵路至上都水陸相兼三千三百二十五里從萬州北開州道宜縣及洋州路二千三百四

十里

東至東都三千六百里水路至萬州六十里

東至忠州三百五十里

東至江陵府水路一千七百里

東南至黔州水路三百三十里

西南至渝州水路三百四十里

西北陸路至渠州陵山縣三百七里

貢賦

開元貢
元和貢

麩金

文錢刀

蜀醬

白蜜

連頭十段布一疋

管縣四

涪陵 樂溫 武龍 賓化

涪陵縣

中下郭下

本漢舊縣屬巴郡

案此似與前以黔州為漢涪陵縣理
相混必合後條州城本枳縣城乃明

漢時赤甲軍多取此縣人蜀置涪陵郡隋開皇廢郡縣
屬渝州武德元年置涪州縣改屬焉

雞鳴硤山在縣西十五里先主時涪陵人反蜀將鄧芝

討焉至雞鳴硤見猿母子相抱芝引弩射中猿母子
拔箭以樹葉塞瘡芝投弩水中嘆曰吾傷物之性其死
矣果亡

州城本秦枳縣城也自李雄據蜀此地積為戰場人衆
奔波或上或下桓溫定蜀以涪郡理枳縣城

開池在縣東三十里出銅鐵土人以為文刀

樂溫縣

中下東南至州一百一十里

本漢枳縣地周明帝分置巴縣武德二年改為樂溫縣

因樂溫山為名在縣南三十里縣出荔枝

武龍縣

中下西北至州二百五十里

本漢涪陵縣地武德九年分立武龍縣

涪江水在縣南屈北流注于蜀江

賓化縣

中下東北至州三百里

本漢枳縣地周武成三年省入巴縣貞觀十一年分巴縣置隆化縣以縣西永隆山為名先天元年以犯廟諱改為賓化縣

夷州 義泉縣

開元戶一千四百八十七 鄉一十一
宋元和戶鄉數傳寫缺

本徼外蠻夷之地自漢至梁陳並屬牂柯郡累代
恃險多不賓附隋大業七年置綏陽縣屬明陽郡武
德四年改為夷州貞觀元年廢四年于黔州都上縣復
置

東北至涪州四百里

西南至播州二百四十里

北至黔州五百八十里

東至費州三百里

貢賦

開元貢賦

斑布
麤布

粟元和貢

葛粉三十斤

管縣五

綏陽 都上 義泉 洋川 寧夷

綏陽縣

本漢牂柯郡地隋大業十二年巴郡丞梁梁招慰所置
綏陽山在縣北二十九里縣以為名

都上縣

中下西北至州五十里

本漢牂柯郡地隋大業十二年招慰所置其處是首豪
首領都集之所因以為名

義泉縣

中下東北至州一百里

隋大業十一年招慰所置以帶山泉為名屬義州
武德中于此置牢州貞觀十七年州廢以縣屬夷

州

洋川縣

中下東至州一百里

武德二年于今縣東北置屬義州貞觀十四年于今理

置

寧夷縣

中下西北至州一百九里

隋大業八年置屬明陽郡武德四年屬夷州永徽後
廢

思州

寧夷下

開元戶三千四百四十二
元和戶四百二十九

鄉十
鄉六

楚為黔州地秦拔之置郡自漢至吳並為武陵郡酉陽
縣地吳分置黔陽縣至梁陳不改隋開皇九年置務川

縣屬庸州

庸州黔江縣地是也

大業二年廢武德四年于縣置務

川郡貞觀四年改為思州以思邛水為名

州境

東西六百三十里
南北五十二里

八到

東北至上都取江陵路三千九百二十五里
東北至東都三千七百二十五里

東南至錦州常豐縣五百里
南至費州水路四百里

西南至夷州四百里
西北水路至黔州二百八十里

貢賦

開元貢
元和貢

葛朱砂
蠟十五斤

管縣三

務川 思王 思邛

務川縣

中下郭下

本漢酉陽縣地屬武陵郡自晉至陳並為黔陽縣地至隋開皇十九年置因川為名

內江水一名涪陵水在縣西五十步

思王縣

中下北至州水路三百里

武德三年置相傳云漢時陳丘為牂柯太守阻丘保據思邛水漢將夜郎王數萬破丘于此安撫百姓時人思

慕遂為縣名

思邛縣

中下西北至州二百九十里

開元四年招輯生夷所置

費州

涪州下

開元戶二百
案鄉數及元和戶鄉數竝傳寫缺

本古徼外蠻夷地漢武帝元鼎六年通西南夷置牂柯
郡隋文帝于此置涪川縣屬黔州煬帝改為黔安郡貞
觀四年分思州涪川扶陽縣置費州

州境

葉州境里數傳寫缺

八到

東北至上都取江陵路四千三百三十五里
東北至東都四千一百二十五里

東至樊州水陸相兼四百里

正南微西至牂柯充州一百九十里

西南至播州四百里

北至思州水路四百里

貢賦

開元貢蠟四十斤

管縣四

涪川 多田 城樂 扶陽

涪川縣

中下郭下

本漢牂柯郡之地隋文帝開皇五年置取涪水為名

內江水經縣北一百五十步

多田縣

中下西南至州四十里

武德三年置初屬思州貞觀八年屬費州

涪陵江水經縣南五十步

城樂縣

中下東至州一百五十里

武德四年置初屬思州貞觀八年割屬費州

扶陽縣

中下東南至州八十五里

武德置屬思州貞觀四年屬費州

南州 南川下

開元戶一千一百二十四
案鄉數及元和戶鄉數並傳寫缺

周屬雍州戰國為巴國界秦為巴郡之地漢為巴郡江
州之境其男女露頭徒跣衣皆左衽周閔帝拓定巴境
以江州置七州郡武德二年割渝州置領六縣又改為
夔州四年復為南州

州境

東西二百一十里
南北一百八十九里

八到

東北至上都三千一百六十里
東北至東都二十九百里

西至沒丁山八十里

西南至漆州二百七十里

北至渝州江津縣二百三十里

貢賦

開元貢

班布

管縣二

南川 三溪

南川縣

中下郭下

本漢江州之地武德二年置隆陽縣先天元年改為南

川

蘿緣山在縣南十二里多楠木堪為大船

𣶒溪水在縣南四十步

三溪縣

中下西北至州二百四十里

貞觀五年置以縣內有𣶒溪東溪葛溪三溪合流故為
名其縣城甚高險

𣶒溪水在縣西

珍州夜郎下

開元戶二千六百
案鄉數及元和戶鄉數並傳寫缺

本徼外蠻夷之地貞觀十六年置

州境

案州境里
數傳寫缺

八到

東北至上都五千五百五十里
東北至東都四千五百四十五里

東南至播州二百里

西接夷獠界

北至漆州二百四十里

貢賦

開元貢蠟

管縣三

夜郎 麗臯 樂源

夜郎縣

中下郭下

麗臯縣

中下

樂源縣

中下

右並貞觀十六年開山洞與州同置三縣並在州側近
或十里或二十里隨所畝種田處移轉不常厥所

秦州 漆溪下

開元戶八百九十二
索鄉數及元和戶鄉數並傳寫缺

本巴郡之南境貞觀十六年有渝州萬壽縣人牟智才
上封事請于西南夷實渝之界招慰不庭建立州縣至
十七年置以南有漆溪水為名

州境

案州境里
數傳寫缺

八到

東北至上都三千四百三十四里
東北至東都四千二百九十一里

東與賓州接界山險不通無里數

東北至南州二百七十里

東北至黔州取珍播夷路一千三百里
正南微東至珍州二百四十里

西接合江縣

貢賦

開元貢元和貢

茄子 楮皮布 蠟四十斤

紵布

黃蠟

管縣二

榮懿

扶觀

案通典舊唐書新唐書文獻通攷及宋史並作扶歡與此異

榮懿縣

中下郭下

貞觀十六年與州同置

扶觀縣

中下東北至州五十里

貞觀十六年與州同置以縣東扶觀山為名

播州

播川下

案開元元和戶鄉數並傳寫缺

本西南徼外蠻夷夜郎且蘭之地戰國屬楚秦亦常置吏至漢武帝平西南夷置牂柯郡貞觀元年于牂柯北界置麟州十一年省十三年置播州景龍二年置都督府先天二年罷

州境

案州境里數傳寫缺

八到

東北至上都取江陵路四千三百五十五里北取萬州路三千二百七十里

東北至東都四千一百四十五里

東南至牂柯州二百二十里

東北至牂柯北界巴陵江鎮七十里
東北至費州四百里

東北至黔州八百里

貢賦

元和貢

蠟二十斤

管縣三

遵義 帶水 芙蓉

遵義縣

中下郭下

本恭水縣貞觀十四年改為羅蒙十六年改今名

夷牢水經縣北一里

帶水縣因縣北有帶水為名

芙蓉縣

中下西南至州六十里

貞觀五年置在芙蓉山上因為名後移于山東三里即
今理是又有舍月胡刀胡江羅為四縣並貞觀中置今
廢

辰州

廬溪下

開元戶五千三百二
元和戶一千二百二十九

鄉一十三
鄉一十一

禹貢荊州之域春秋時屬楚秦為黔中郡漢為武陵郡
沅陵縣地按後漢書高辛氏有畜犬曰槃瓠帝妻以女

有子十二人皆賜名廣澤其後滋蔓今長沙武陵是也光武時尤盛其渠帥精夫相單程等據險為寇精夫者蠻為渠帥者也漢遣將軍劉尚發兵萬餘人泝沅水入武夷擊之山深水急舟船不得上蠻緣路徼戰漢軍皆沒後遣伏波將軍馬援等至臨沅擊破之其單程等悉降蠻平因置吏陳文帝于此置沅陵郡開元元年改為辰州取辰溪為名謹按辰州蠻戎所居也其人皆槃瓠子孫或曰巴子兄弟入為五谿之長今酉在在州西

次南武谿次南沅谿次南辰谿次東南熊谿次東南朗
谿其熊朗二谿與酈道元水經注雖不同推其次第相
當則五谿盡在今辰州界也景雲二年置都督府開元
中罷

州境

東西一千二百五十七里
南北一千四百二十七里

八到

北至上都二千五百一十里
東北至東都二千二百五十里

東至朗州沿流四百六十里
南至叙州水路五百三十八里

西南至錦州水路七百里
正西徽北水路至溪州三百六十八里

正北微東至澧州七百五十里

貢賦

開元貢

犀角

水銀

元和貢

光明砂 藥砂

管縣五

沅陵 盧溪 麻陽 叙浦 辰溪

沅陵縣

上郭下

本漢舊縣屬武陵郡陳屬沅陵郡隋平陳屬辰州

壺頭山在縣東四十九里即馬援攻五谿蠻置營之所

初援軍下雋

似阮反

有兩道可入從壺頭路近而水險從

充道則途夷而運遠

充州在澧州西五百里武德所置崇義縣東北一里故充城是南至

沅陵縣一百二十里

中郎將耿況欲從充道援以為如進壺頭搯

其咽喉賊自破遂進營于此賊乘高守隘水迅船不得進會暑甚士卒多疾死援穿岸為室以避炎氣武陵記云今山邊有石窟即援穿空室處

明月山下有明月池沅陵記云兩岸素山崖石如披雪寒松如插翠在縣東二百里

沅江在縣南二十里

秦黔中故郡城在縣西二十里

盧溪縣

中東北至州一百六十里

本漢沅陵縣地梁天監十年置廬州隋末蕭銑于此置
廬溪縣以南溪為名武德後因而不改

廬水在縣西二百五十里即武溪所出武陵記云溪山
高可萬仞山中有槃瓠石窟可容萬人窟中中有石似
狗形蠻俗相傳即盤瓠也人有巴蛇四眼大十圍不知
長幾里

麻陽縣

中下東北至州四百里

陳天嘉三年于麻陽麻口置戍垂拱四年置龍門縣尋改為麻陽因戍為名

三山谷一名辰山在縣西南八百三十五里

芑茅山有刺而二脊在縣西南三百五十里

叙浦縣

上西北至州三百八十五里

本漢義寧縣地離騷云入叙浦而遶迴即此也武德四年分辰溪置此縣

車靈故城在縣南一里靈則吳之叛臣入叙浦以自保
號車王後為吳將鍾離殺之

辰溪縣

中下西北至州一百六十里

本漢辰陵縣屬武陵郡後改曰辰陽以在辰水之陽為
名離騷云朝發枉渚夕宿辰陽是也隋平陳改為辰溪
縣

五城山在縣東南三百六十二里武陵記云楚威王使
將軍莊蹻定黔中因山造此城

沅江水在縣南二百步

錦州 廬陽下

開元戶三千一百三 鄉十一
案元和戶鄉數傳寫缺

本漢辰州廬陽之地垂拱三年以地界闊遠分置錦州
以州理前溪水多大石望之似錦因名長安四年移于
伏溪水灣曲中置即今理是惟東面平地餘三面並臨
溪岸

州境 案州境里數傳寫缺

八到

東北至上都三千二百一十一里
東北至東都二千七百五十里

東北至辰州水路九百里
東北至溪州五百里

南至思州八百里
南至興州陸路五百四十里

貢賦

開元貢 光明砂 水銀

管縣五

盧陽 洛浦 招諭 渭陽 常豐

盧陽縣

中下郭下

垂拱三年與州同置在盧水口因以為名長安四年移

于今理

是山在縣南一百里山出丹砂

洛浦縣

中下南至州一百八十里

先天二年分大鄉縣置以縣西洛浦山為名縣東西各有石城一甚險固玃獠反亂居人皆保其土

招喻縣

中下西南陸路至州八十里

垂拱三年析辰州廬溪縣置

渭陽縣

中下東至州三百里

垂拱三年折麻陽縣置在坡山西趾山甚高險百姓食

坡山溪水

常豐縣

中下東南至州四百里

垂拱三年置初名萬安天寶二年改為常豐

磨匿山在縣東五十里

叙州

潭陽下

開元戶四千九百四十

元和戶一千六百五十七

案鄉數傳寫缺

秦置黔中郡漢為武陵郡無陽縣之地荊州記舞溪獠

獬之類其縣人但羈縻而已溪山阻絕非人跡所履又無陽獬獬萬家皆咬地鼠之內能鼻飲隋初于此置辰州貞觀八年分辰州龍標縣置巫州天授二年改曰沅州開元十三年以沅原聲相近復為吳州天寶元年改為潭陽郡大厯五年以境接叙浦改為叙州

州境

案州境里數傳寫缺

八到

北至上都三千四十八里
東北至東都二千七百八十八里

東南踰嶺至吉水水陸共一千一百里
南踰嶺至融州水陸共一千五百里

西沂流至獎州八百里
北沿流至辰州五百三十八里

貢賦

案開元元和貢賦並傳寫缺

管縣三

龍標 朗溪 潭陽

龍標縣

上郭下

本漢無陽縣地輿志縣本在無水之陰後漢漢省入辰陽縣隋初于此置辰州煬帝廢州武德七年置龍標縣因龍標山為名

朗溪縣

中下北至州一百二十里

漢罽

音尋

城縣之地晉安帝省貞觀八年析龍標縣置在

朗溪之側因為名

沅溪水西南自獠界流入

潭陽縣

中下東至州三百二十里

先天二年析龍標縣置在無水東岸

溪水在縣南二里

溪州

靈溪下

開元戶四百七十七
元和戶八百八十九

案鄉數傳寫缺

漢屬武陵郡為沅陵遷陵二邑之地梁置大鄉縣天授

割辰州大鄉三亭二縣立溪州

州境

東西六百里
南北八百里

八到

北至上都二千八百七十八里
東北至東都二千六百一十八里

正東微南至辰州三百六十里

東北至澧州水陸相兼一千三百里山路險阻若

遇霖潦則不通行

西泝流三百七十里本管三亭縣自縣西水陸路

相兼五百里至黔江縣又西三百里至黔州其三
亭縣與施州接界山路峻不通行

貢賦

開元貢

朱砂

黃連

元和貢

朱砂

一十斤

黃蠟二百斤

管縣二

大鄉 三亭

大鄉縣

上郭下

蕭梁置已具州叙

齊右城在縣東二百一十二里秦時武安君所築

陋城在縣東南六十七里漢橫海將軍韓說所築

三亭縣

中下東至州水路三百七十里

本漢遷陵縣屬武陵郡隋廢入大鄉縣貞觀元年分大鄉復置因鄉西十五里有三亭古城為名

酉水南有龍標故城蜀將馬德信所築其城甚寬大在龍標山

石門洞在縣缺一百五十里其嶮峻纔通一舟

黔山在縣西五十里後漢時陸康伐蠻假此即禱雨為援諸樹木皆有人馬之形因平郡寇改為武神山

施州清江下

開元戶三千四百七十六
元和戶一千八百四十五

鄉一十六
鄉一十六

春秋巴國之界七國為楚巫郡之地秦屬黔中郡漢為
巫縣之地巫縣即今夔州巫山縣是也吳分立沙渠縣
至梁陳不改周武帝建德三年于此置施州隋改為清
江縣義寧二年復置郡

州境

東西六百一十八里
南北四百九十五里

八到

東北至上都二千七百里
東北至東都二千三百八十五里

東至叙州七百六十五里
南至黔州四百八十五里

西至萬州六百八十五里
北至夔州五百里

貢賦

開元貢
元和貢

清油
蜜

黃連
藥子
二百顆

蠟

管縣二

清江 建始

清江縣

中下郭下

本漢南巫縣地吳沙渠縣隋開皇五年置清江縣屬施
州置在清江之西因以為名

清江一名夷水昔廩君浮土舟于夷水即此也

建始縣

中下南至州一百三十里

本漢巫縣地後周以前無縣邑建德三年于此置業州並置建始縣貞觀八年廢以縣屬施州

獎州

龍溪下

開元戶一千七百四十元

鄉六鄉六

本漢武陽縣地貞觀八年于此置夜郎屬巫州長安西年于此置舞州開元十三年改為鶴州二十年又改為業州大厯五年又改為獎州

州境

案州境里數傳寫缺

八到

北至上都三千八百四十八里
東至東都三千五百八十八里

東沿流至叙州八百里

南至牂柯羈縻應州三百里

西南泝流沿溪至費州五百七十里
西南泝流至牂柯充州七百里

貢賦

案開元元和貢賦並傳寫缺

管縣三

峨山 渭溪 梓薑

峨山縣

中下郭下

本夜朗縣天寶元年改為峨山其縣本在渭溪之南長壽初移于溪北

渭溪縣

中下西至州水路一百六十里

聖歷元年析峨山縣于渭溪東置因以為名

渭溪水北自錦州渭陽縣流入

梓董縣


中下東北至州水路四百里

建中四年自牂柯洞外充州割屬獎州

案唐書地理志武德三年貞觀

四年以牂柯蠻部地置牂琰莊充應矩六州皆為下州開元中降牂琰莊為羈縻天寶三年又降充應矩為羈

廢以本隸充州之梓潼縣隸業州其原委詳備惟
與是志所云建中四年割屬先後有異附識于此



元和郡縣志卷三十一